

Politiit pisortaata aamma naalagaaffiup unnerluussisuisa unnerluutiginninnermik tunuartitsisinnaaner at pillugu Kalaallit Nunaannut nalunaarut

Kalaallit Nunaannut eqqartuussisarnermi inatsimmi § 313, imm. 1, nr. 5, aamma § 315, imm. 2 malillugit, tak, inatsimmut nalunaarut nr. 1581, 13. december 2016-imeersoq, allannortinneqartoq inatsisikkut nr. 572, 10. maj 2022-meersukkut, piginnaatitsineq naapertorlugu aalajangersarneqarpoq:

§ 1. Politiit pisortaat pisuni tulliuuttuni unnerluutiginninnermik tunuartitsinnaavoq, pissutsinut tamanna naapertuuppat:

- 1) Suliani inatsisunik unioqutitsisoqartillugu unioqutitsineq annikitsumik naleqarpat makkuninnga unioqutitsinerni
 - a) pinerluttulerinermik inatsimmi § 113, imm. 1, 1. imm., aamma § 114, taamaattoq ingerlattakkanik motorilinnik tillinniarnerunngitsunut,
 - b) ikiaroomartut pillugit inatsisartut inatsisaannik,
 - c) nakorsaatit pissassaatit atorneqartartut ilaasa inerteqqutaaner at pillugu inatsisartut peqqussutaannik,
 - d) nunani allamiut pillugit inatsimmi § 59, imm. 1, nr. 1, 3-mik aamma 4-mik, kunngip peqqusutaatigut nr. 150, 23. februar 2001-imeersukkut allannuqteqartillugu Kalaallit Nunaannut atuutilersinneqartumi aamma
 - e) Kalaallit Nunaanni sakkut pillugit inatsimmik.
- 2) Nunamut qimaasutut isernissamik qinnuteqartut pillugit imaluunniit taakkununga qanigisaasut pillugit suliani, siullerpaamik Kalaallit Nunaannut aallarnermut atatillugu, akitsuusersuisarneq pillugu inatsimmik unioqutitsinernut pigisanut nalilinnut tunngatillugu aamma pas-imut, pappilissanut kinaassutsimut uppernarsaatinut imaluunniit assigisaannut atatillugu pinerluttulerinermik inatsimmi § 61, imm. 1, nr. 1-mik aamma 3-mik unioqutitsinernut.
- 3) Pinerluttulerinermik inatsimmi § 79-imik unioqutitsineq pillugu suliani, pasisap aamma pinerlineqartup ineriartornera aamma ukiui pillugit paasissutissat kiisalu taakkua ukiumikkut nikinganeri tunuliaqutaralugit ilimagineqarpat, nammineq piumassuseq tunngavigalugu atoqatigiittoqarsimasoq, aammalu illuatungeriit naammattumik naligiinnermik tunngaveqartut isigineqarpat. Unnerluutiginninnermik tunuartitsineq nalunaarutigineqarsinnaangilaq, pinerlineqartoq 12-it ataallugit ukioqarpat, imaluunniit pasisaq 22-nik ukioqalereersimappat.
- 4) Pinerluttulerinermik inatsimmi § 37-mik aamma § 88, 1. imm.-mik unioqutitsineq pillugu suliani, killilerujussuarmik persuttaasimaneq il. il.

pineqartillugit, aammalu pinerlineqartoq annertunerusumik ajoqusersimatinnagu.

- 5) Pinerlineqartup piumasarippagu
 - a) pinerluttulerinermik inatsimmi § 75-imik unioqutitsineq pillugu suliani,
 - b) pinerluttulerinermik inatsimmi § 92, 2. imm.-mik unioqutitsineq pillugu suliani, aamma
 - c) pasisap qanigisaminut tunngatillugu tillinniarmanera, inerteqqutaasumik nassaanik atuisimanera, imminut paarititanik peqquserluuteqarsimanera, peqquserlussimanera, aamma tillitanik atueqataasimanera pillugu suliani.
- 6) Inunnut ataasiakkaanut suliani, inuup pisinnaatitaasup aamma pisussaataitaasup suliffeqarfimmi unioqutitsisimanerani, inuup pisinnaatitaasup aamma pisussaataitaasup unioqutitsisimanera pillugu eqqartuussisutigit malersugaanissaa naammattutut isigineqarpat, imaammat
 - a) Inatsisip inuit ataasiakkaat inangimmagit namminersorlutik aamma kisimiillutik malittarisassanik malinninnissamut akisussaanaannut, imaluunniit
 - b) inuit ataasiakkaat eqqartuussisutigit malersorneqarnissaat allaffissornikkut najoqqutassanik malinninnerunngimmat.

Imm. 2. Aammattaq politiit pisortaat, imaassimangippat pissutsit immikkut ittut tamatumunnga naapertuutinngitsut, unnerluutiginninnermik tunuartitsisinnaavoq, makkua pillugit suliani:

- 1) inunnit inatsimmik unioqutitsinernit, pinerluttulerinermik inatsimmi § 152 malillugu immikkut pineqaatinneqarsimasunit, aamma
- 2) inunnit inatsimmik unioqutitsinernit, pinerluttulerinermik inatsimmi kapitali 33 malillugu immikkut pineqaatinneqarsimasunit, politiit pisortaat immikkut pineqaatissiisummut tunngatillugu nakkutilliisuuppat.

§ 2. Naalagaaffiup unnerluussisui, imaassimangippat pissutsit immikkut ittut tamatumunnga naapertuutinngitsut, unnerluutiginninnermik tunuartitsisinnaavoq, makkua pillugit suliani:

- 1) inunnit inatsimmik unioqutitsinernit, pinerluttulerinermik inatsimmi § 161 malillugu navialisitsisinnaajunnaarsinneqarsimasunit, aamma
- 2) inunnit inatsimmik unioqutitsinernit, pinerluttulerinermik inatsimmi kapitali 33 malillugu immikkut pineqaatinneqarsimasunit, naalagaaffiup unnerluussisui immikkut pineqaatissiisummut tunngatillugu nakkutilliisuuppat.

§ 3. Nalunaarut ulloq 1. januar 2023 atuutilissaaq.

Imm. 2. Kalaallit Nunaanni politimesterip unnerluutiginninnermik tunuartitsisinnaanera pillugu nalunaarut nr. 266, 6. april 2018-imeersoq atorunnaassaaq.

Rigsadvokati, ulloq 16. december 2022

JAN RECKENDORFF

/ Henriette Rosenborg Larsen